

Baofisiri ba SARS ba Khasetomo ba bile lesolong la tshwaro ya R25 million ya khokheine

Tshwane, 11 Oktobere 2024 – Baofisiri ba Khasetomo ba Ditirelo tša Motšhelo tša Afrika Borwa (SARS) ba utullotše ditena tše 47 tša go pitelwa tša khokheine, tša tekanyetšo ya boleng bja mebileng bja R25 million, ka Boemafaofane bja Ditšhabatšhaba bja OR Tambo mesong ya lehono.

Ditena tša khokheine tša kimelo ya 50 kg, di be di pakilwe ka gare ga mokotla wa merwalo yeo e ilego ya lemogwa ke baofisiri ba Khasetomo le moletadikgoro wa tšhireletšo wa boemafaofane mesong ya lehono lepanteng la merwalo ya sefofane sa go tšwa Sao Paolo ka Brazil seo se bego se lebile Kinshasa ka Democratic Republic of the Congo (DRC).

Baofisiri ba Khasetomo ba ile ba hlahloba mokotlana wa morwalo gomme ba bona dilo tša go belatša ka gare ga mokotla. Dilo tše di ile tša lekolwa go ba di na le dikidibatši. Go be go se na banamedi bao ba bego ba sepela le morwalo gomme ga go motho yo a golegilwego. Ditirelo tša Sephodisa tša Afrika Borwa bjale di tlo nyakišiša molato morago ga ge dilo ka moka di filwe go bona.

Sao Paolo ka Brazil ke lefelo leo le ka bakang kotsi ya godimo kudu bjale ka lefelo la go tloga la fao batho ba dirišwago bjale ka basepetša diritibatši, merwalo ya go felešetšwa gammogo le merwalo ya go se felešetšwe ya go ba le khokheine. Go bile le ditshwaro tše mmalwa tša basepetša diritibatši ka ORTIA dibekeng tša go feta.

Khomišinare wa SARS Edward Kieswetter o lemošitše bao ba amanago le go sepetša diritibatši gore mohlako wa dietšensi tša tsenelano o a phethagatšwa gore ba kgone go swarwa. Ba Khasetomo ba SARS, Balaodi ba Taolo ya Mellwane, Airports Company, SAPS le Kgoro ya Merero ya Selegae ba šoma go šireletša badudi ba naga go ditlhokofatšo tša diritifatši. O boletše gore “Wo ke mohlako wa ditshepetšontši o bona dipoelo tša go bonagala tša go hlatselwa ke ditshwaro le dithibelo malobanyana. Ka ditiro tše, re šireletša maphelo a badudi ba rena, kudu baswa bao e lego bokamoso bja rena,” gwa realo Khomišinare wa SARS.

Go hwetša tshedimošo enngwe, ikgokaganye SarsMedia@sars.gov.za